

4. In Summa/der ganze kriegeriſche böſe vnd gefährliche Herbit
deß 1630. Jahrs wil dem Faß den Boden gar ausſtoſſen/denn weil
vor alten Michaelis oder neuen Dionyſi/in der zuſammentretung
Saturni vnd Martis in dem Scorpion/der erhöhete Saturnus ober
den Martem anzuſehen/nach dem vntergang der Sonnen/ ſo wird
dadurch getrawet/ deß Türcken groſſe Tyrannen in Ungern vnd
Oſterreich/ mit groſſer Niederlag des Teutſchen Kriegeſvolcks/ver-
ſörung ſtättlicher Gebew/ Mauren/ Paſſeyen/ vnd andern dinge vnd
ſachen/ auch anderer ſchädlicher Krieg/ Raubereyen/in Böhmen vnd
nach Mitternacht den Scorpionen/ falſchen Chriſten/ beneben an-
dern mercklichen Unglück in dem Römischen Reich/ vnd in Teutſch-
land/ darüber es zu ende deß alten Octobr. oder zu anfang deß neuen
Novemb. abermals gar vbel ſtehen wird/ die groſſen Herren / ihrer
Riſſe / der Adel vnd andere mehr vnter dem Scorpion/ wegen der
groſſen vnd böſen zuſammenfügung Saturni vnd der Sonnen im
Scorpion/ mit neuen Kriegeſgeſchrey in Böhraen/ Oſterreich/ Si-
benbürgen/ Ungern vnd in Schweden bey den Scorpionen nach
der Mitternacht/ welches vermehret mit alten Leonhardus vnd Tho-
mas Apoſteln/ wegen der dritten groſſen vnd ſchädlichen Coniuncti-
on Martis in der Sonnen im Schützen.

Dahero denn viel kriegeriſche böſe vnd traurige Zeitung zu er-
fahren/ aus Böhmen/ Sibenbürgen/ Ungern/ Zipsen/ Mähren /
Meiſſen/ Franckreich / Hispanien/ vnd aus andern Ländern vnd
Städten vnter dem Schüz vnd Scorpion gelegen/ da denn in Ori-
ent vnd Occident am meiſten wirken/ die groſſen vnd erſchreckli-
chen Finſterniſſen der Sonnen vnd deß Monden.

V.

M. Franciſci Ritters Meinung vnd Muth-
maſſungen vom Kriegeſweſen 1630.

SOm Kriegeſweſen kürzlich etwas zu melden/iſt zu wiſſen/ daß
nicht allein die vergangene groſſe Coniunctio im Januario
vnd Februar. An. 1629. dieſes vnd nechſtfolgende Jahr ihre
Wirkung erſt ausgeuſt/ ſonderlich auch die abwechſlung oder ver-
änderung deß höchſten Planeten Saturni (ſo viel ſeinen höchſtäd Abſis
genant betrifft/) jetzt von den Iouialiſchen/ oder gleichſam geiſtlichen
Schüz